

時多有所失朴聃孫臣之婚姻家也其日聃孫以判官陞爲都提府經歷既而臣爲都提管聃孫當爲中樞府經歷經歷河繼會亦吏曹參判成夢并四寸也以此兵曹啓請送東叙用本曹同議擬望軍器僉正僉正與經歷同品左右以爲無妨故擬之今聞臺論以臣乘間用情臣固非用情但不取稟又不降品臣固有罪待罪傳曰勿待罪○臺諫啓度僧及任士洪尹璋朴文永南褒朴聃孫朴而溫權敏手等事不允又啓曰前承旨韓世桓等其不即捧旨事已皆承服且同僚庇護之事以時推照律亦有罪焉皆命棄之無懲戒之意憲府又啓南祚事諫院又啓黃孟獻事皆不允○甲子臺諫啓度僧及尹璋朴永文南褒朴聃孫朴而溫權敏手前承旨等事不允憲府又啓南祚從崇載其罪狀已著不可苟列士類也請罷職谷城縣監朴之謙憑籍崇載之氣焰從行慶尚道又至京畿竹山事狀已著不可不懲然得免於疎放其罪不可追論請罷其職諫院又啓曰黃孟獻事傳教云畢推後罷職未晚臣姑不啓傳曰朴之謙得免於疎放罷職過矣與南祚事同其適之○自三更至五更北方有赤氣○兵曹啓金壽童等議水牛從民願題給爲當云請各官分養水牛從民情願分授耕田如或故失勿令治罪依兄○